

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
Ո Ր Ո Շ ՈՒ Մ թիվ - 18

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«17» հունվարի 2024թ.

ք. Երևան

Ես՝ ՀՀ պետական եկամուտների կոմիտեի իրավաբանական վարչության ղեկավար Արման Մնացականյանս, քննելով՝ Մարիաննա Հրայրի Թևոսյանի (անձնագրի համար՝ AT0417577, հասցե՝ ՀՀ, Արմավիրի մարզ, Մյասնիկյան փողոց, տուն 44) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Չ Ե Ց Ի՝

2023 թվականի նոյեմբերի 18-ին ՀՀ ՊԵԿ Արևմտյան մաքսատուն-վարչության ՈՒՄՀ բաժնի աշխատակիցների կողմից մաքսային հսկողության արդյունքում պարզել են, որ Արուհի-Երևան թիվ (5W7013) չվերթով ՀՀ է ժամանել Մարիաննա Թևոսյանը, ով «Զվարթնոց» միջազգային օդանավակայանի մաքսային հսկողության գոտում ընտրել է «Կարմիր ուղի» մաքսային ընթացակարգը: Ընթացակարգին համապատասխան վերջինս մաքսային մարմին է ներկայացրել իր ուղեբեռում առկա Iphone ապրանքանիշի 2 հատ բջջային հեռախոս որը մաքսային մարմնի կողմից չեն դիտարկվել՝ որպես անձնական օգտագործման ենթակա ապրանք, սակայն վերջինս, չկատարելով մաքսային ոլորտին վերաբերվող օրինական պահանջը, լքել է մաքսային հսկողության գոտին՝ իր հետ դուրս բերելով վերոնշված բջջային հեռախոսները:

Փաստի առթիվ Մարիաննա Թևոսյանի նկատմամբ «Մաքսային կարգավորման մասին» ՀՀ օրենքի 302-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն:

28.12.2023 թվականին ՊԵԿ իրավաբանական վարչությունում Մարիաննա Թևոսյանի նկատմամբ «Մաքսային կարգավորման մասին» ՀՀ օրենքի 307-րդ հոդվածի 1-ին մասի հատկանիշներով կազմվել է մաքսային կանոնների խախտման վերաբերյալ արձանագրություն:

Սահմանային էլեկտրոնային կառավարման տեղեկատվական համակարգի տվյալների ուսումնասիրությունից պարզվել է, որ Մարիաննա Թևոսյանը 18.11.2023 թվականին Արուհի-Երևան թիվ 5W7013 չվերթով ժամանել է ՀՀ:

ԵԱՏՄ մաքսային օրենսգրքի 2-րդ հոդվածի 41-րդ կետի համաձայն՝ մաքսային հսկողությունը մաքսային մարմինների կողմից կատարվող գործողությունների ամբողջություն է, որոնք ուղղված են մաքսային կարգավորման ոլորտի միջազգային պայմանագրերի և (կամ) ակտերի ու մաքսային կարգավորման վերաբերյալ անդամ պետությունների օրենսդրության պահպանման ստուգմանը և (կամ) ապահովմանը:

ԵԱՏՄ մաքսային օրենսգրքի 14-րդ հոդվածի 1-ին կետի և 7-րդ կետի 1-ին ենթակետի համաձայն՝ Միության մաքսային տարածք ներմուծվող ապրանքները Միության մաքսային սահմանը հատելու պահից գտնվում են մաքսային հսկողության տակ: Սույն հոդվածի 1-ին և 3-րդ կետերում նշված, ինչպես նաև սույն հոդվածի 4-րդ կետում նշված ապրանքները, որոնք չեն ճանաչվել որպես Միության ապրանքներ՝ սույն Օրենսգրքի 210-րդ և 218-րդ

հողվածներին համապատասխան, գտնվում են մաքսային հսկողության տակ միության ապրանքների կարգավիճակ ստանալը՝ բացառությամբ սույն հոդվածի 12-րդ կետով նախատեսված դեպքի:

ԵԱՏՄ մաքսային օրենսգրքի 256-րդ հոդվածի 4-րդ կետի համաձայն՝ Միության մաքսային սահմանով տեղափոխվող ապրանքներն անձնական օգտագործման ապրանքների շարքին դասելն իրականացվում է մաքսային մարմնի կողմից, ելնելով՝ միության մաքսային սահմանով տեղափոխվող ապրանքների մասին ֆիզիկական անձի բանավոր կամ գրավոր դիմումից՝ ուղևորային մաքսային հայտարարագրի օգտագործմամբ, ապրանքների բնույթից և քանակից, ֆիզիկական անձի՝ Միության մաքսային սահմանը հատելու և (կամ) այդ ֆիզիկական անձի կողմից կամ նրա հասցեով ապրանքները Միության մաքսային սահմանով տեղափոխելու հաճախականությունից:

Հիմք ընդունելով ԵԱՏՄ մաքսային օրենսգրքի 256-րդ հոդվածի 4-րդ կետի դրույթները՝ Մարիաննա Թևոսյանի կողմից ՀՀ ներմուծված 2 հատ բջջային հեռախոսները մաքսային մարմնի կողմից չեն դիտարկվել որպես անձնական օգտագործման ենթակա ապրանքներ և ներկայացվել է պահանջ՝ դրանք հայտարարագրելու, մինչդեռ Մարիաննա Թևոսյանը, չկատարելով մաքսային մարմնի պահանջը, մաքսային հսկողության գոտուց դուրս է բերել ներմուծված 2 հատ բջջային հեռախոսները:

«Մաքսային կարգավորման մասին» ՀՀ օրենքի 302-րդ հոդվածի 2-րդ կետի համաձայն՝ մաքսային մարմնի պաշտոնատար անձի օրինական պահանջը չկատարելու համար առաջանում է տուգանքի նշանակում 100 000 դրամի չափով:

«Մաքսային կարգավորման մասին» ՀՀ օրենքի 307-րդ հոդվածի համաձայն՝ Առանց մաքսային մարմնի գրավոր թույլտվության մաքսային հսկողության ներքո գտնվող ապրանքները մաքսային հսկողության գոտուց դուրս բերելը, բեռնելը, բեռնաթափելը, փոխաբեռնելը, փաթեթների վնասվածքները վերացնելը, փաթեթները բացելը, փաթեթավորելը կամ վերափաթեթավորելը՝ առաջացնում է տուգանքի նշանակում՝ այդ ապրանքների մաքսային արժեքի քսան տոկոսի չափով, **բայց ոչ պակաս քան մեկ միլիոն դրամի չափով:**

«Մաքսային կարգավորման մասին» ՀՀ օրենքի 332-րդ հոդվածի 1-ին մասի համաձայն՝ մաքսային կանոնների խախտումների վերաբերյալ գործը քննվում է վարչական պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ ՀՀ օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ, իսկ նույն հոդվածի 2-րդ մասի համաձայն՝ մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Մարիաննա Թևոսյանը 2024 թվականի հունվարի 17-ին հրավիրվել է ՀՀ ՊԵԿ իրավաբանական վարչություն՝ իր նկատմամբ «Մաքսային կարգավորման մասին» ՀՀ օրենքի 302-րդ 307-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն «Մաքսային կարգավորման մասին» ՀՀ օրենքի 332-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ:

Այսպիսով, նյութերով պարզվել է, որ 2023 թվականի նոյեմբերի 18-ին Մարիաննա Թևոսյանը Աբու-Դաբի-Երևան թիվ (5W7013) չվերթով ՀՀ է տեղափոխել Iphone ապրանքանիշի 2 հատ բջջային հեռախոս, որը մաքսային հսկողության ընթացքում

չկատարելով մաքսային մարմնի օրինական պահանջը, վերոնշված ապրանքները առանց մաքսային մարմնի թույլտվության դուրս է բերել մաքսային հսկողության գոտուց, ինչի արդյունքում մաքսային հսկողության գոտուց դուրս բերված ապրանքների մաքսային արժեքը հնարավոր չի եղել պարզել, այսինքն՝ վերջինս թույլ է տվել «Մաքսային կարգավորման մասին» ՀՀ օրենքի 302-րդ և 307-րդ հոդվածի 1-ին մասով նախատեսված մաքսային կանոնների խախտում, ինչը հիմնավորվում է 18.11.2023թ. և 28.12.2023թ. -ներին կազմված մաքսային կանոնների խախտման վերաբերյալ արձանագրություններով, սահմանային էլեկտրոնային կառավարման տեղեկատվական համակարգի տվյալներով:

Հիմք ընդունելով «Մաքսային կարգավորման մասին» ՀՀ օրենքի 302-րդ, 307-րդ և 334-րդ հոդվածները.

Ո Ր Ո Շ Ե Ց Ի՝

1. Մարիաննա Հրայրի Թևոսյանին ճանաչել զանցառու ՀՀ «Մաքսային կարգավորման մասին» օրենքի 302-րդ հոդվածի 2-րդ կետով և նրան տուգանել 100 000 ՀՀ դրամ:

2. Մարիաննա Հրայրի Թևոսյանին ճանաչել զանցառու «Մաքսային կարգավորման մասին» ՀՀ օրենքի 307-րդ հոդվածով և նրան տուգանել 1 000 000 ՀՀ դրամի չափով:

Ընդհանուր տուգանքի գումարը կազմում է՝ 1 100 000 ՀՀ դրամ:


3. Որոշման մասին հայտնել Մ. Թևոսյանին՝ պարզաբանելով, որ «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն՝ որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով՝ երկու ամսվա ընթացքում:

ՀՀ պետական եկամուտների կոմիտեի իրավաբանական վարչություն

(ստորագրամասն անվանումը)

ղեկավար՝ Արման Մնացականյան

(անուն, ազգանուն)


(ստորագրություն)

Որոշման օրինակը՝ _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի

ներկայացուցչի անունը, ազգանունը, հայրանունը և լիազորությունը հաստատող

փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

20__ թ.

Ծանոթություն. Սույն որոշմամբ նշանակված փուլի գումարը ենթակա է վճարման Կենտրոնական գանձապետարանի №900005024055 հաշվեհամարին 19 ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կատարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: